

# Die Wapad


## SAWA Oos-Kaap



Brakkeduine Boskamp—Sep 2015



Gamtoos—Sep 2015




Van Stadens (Senior Burger kamp)  
Okt 2015



Mangoldspool—Nov 2015



# INHOUDSOPGawe



UIT DIE WOORD .....	3
VOORSITTERS VERSLAG .....	5
REDAKTEURSBRIEF .....	6
LIEF, LEED & SIEKTE .....	7
EREKODE .....	8
ONVOORWAARDELIKE LIEFDE .....	8
VOORRAAD .....	9
BIG WALK 2015 .....	9
GRAPBLAD .....	10
BRAKKEDUINE BOSKAMP .....	11
BRAKKEDUINE 4X4 BELEWENIS .....	13
GAMTOOS FERRY .....	14
HET JY GEWEET .....	15
SUSANNAH SOPHIA KRUGER .....	16
IETS VIR DIE HUWELIK .....	17
BLOKKIESKOMBERS PROJEK .....	18
VAN STADENS .....	19
WINTERTOER 2016 .....	21
MANGOLDSPOOL .....	22
ADVERTENSIEBLAD .....	23
NUWE LEDE .....	24
LEDE-INDELING .....	25
VERJAARSDAE .....	26
JAARPROGRAM .....	27
SAWA STREEF DAARNA .....	28

Tensy anders; vermeld word daar ook van die Internet en Facebook gebruik gemaak vir inligting

# Uit die Woord

DIE GOEIE, VREUGDEVOLLE NUUS!

(Léef Desember 2015)



**Die evangelie is 'n evangelie van blydschap: Jesus is gelukkig, Hy lag, Hy is gevul met heilige vreugde. Onthou ons, Sy volgelinge, dit dié Feestyd?** Mense lees graag Lukas 2:1-20 oor die kerstyd – dit vertel immers die verhaal van Jesus se geboorte. Daar is 'n kort stukkie in hierdie storie wat baie sê oor die wese van God en die Evangelie. Die deel wat vir my die meeste uitstaan, is deur die engel gesê wat Jesus se geboorte aan die skaapwagters verkondig het. Hy het gesê "...kyk, ek bring vir julle 'n goeie tyding van groot blydschap wat vir die hele volk bestem is." Jesus en vreugde gaan altyd hand aan hand. En dis nie sommer gewone vreugde nie – dis gróót vreugde. "Goeie nuus" is die vertaling van die Griekse woord "euangelion". Dié Griekse woord word ook soms vertaal as "evangelie" of "preek" en is die wortel van die word "evangelisasie". Met ander woorde, die Evangelie is in wese goede nuus. Die Evangelie is nie slegte, dreigende of hellevuur-en-donder nuus nie. Dis baie goede nuus. Uit-jou-vel-uit nuus. Mens kan nie vreugde van die Evangelie skei nie. Vreugde is ingebou in die definisie van die Evangelie. Die oplossing tot jou geluk-probleem is nie om met vakansie te gaan, 'n snaakse boek te lees, te slaap, of na 'n komedievertoning te kyk nie. Die oplossing tot jou soeke na geluk is die Evangelie.

## 'n Jesus van vreugde

Party mense kan nie verstaan hoe God en geluk saam pas nie. Hulle dink geloof en pret is fundamenteel teenoorgesteldes. Vir hulle is God 'n kosmiese pretbederwer. 'n Suurknol. 'n Jandooi. 'n Nukkebol. God is teen partytjies en pret en plesier. Dus is God die teenstelling van geluk. Niks kan egter verder van die waarheid wees nie. God het geluk uitgedink. Hy het die konsep van humor geskep. Hy het dit so beskik dat ons in staat is om pret te hé. Hy het 'n pragtige wêreld gemaak en vir ons vyf sintuie gegee om dit mee te geniet. Ons plesier gee hom plesier. As ons daarvan hou om gelukkig te wees, en as ons na sy Beeld geskape is, hoeveel te meer skyn God nie geluk uit nie? Jesus is gelukkig.

Die Bybel sê oor Jesus: "U het die reg lief en U haat die onreg, daarom het God, u God, U onder groot vreugde tot Koning gesalf bo u tydgenote" (**Hebreërs 1:9**). Jesus was die mees opgewekte mens van almal. Hy het grappies vertel. Hy het mense se siel uitgetrek. Hy het gelag. Vir sommige mense is die idee dat Jesus gelag het oneerbiedig, asof dit beteken Hy was nie heilig nie. Daar is 'n sekere idee waarmee ek glad nie saamstem nie: "Ons heiligheid is vir God belangriker as ons geluk." Ek dink heiligheid is die sleutel tot geluk, en ek dink geluk kan die suwerste uitdrukking van heilig wees. Mens kan nie die twee skei nie.

Die Bybel is vol woorde soos "vreugde", "blydschap", "seën", "geluk" en "vrede". Geluk is 'n natuurlik uityloeisel van jou verhouding met God en jou ervaring van Sy liefde. Keer op keer gebruik die Bybel die word "geseënd" wanneer dit beskryf wat dit beteken om 'n ware kind van God te wees. Daardie word kan vertaal word met "gelukkig" of "bly". Ware geloof lei tot geluk, plesier, blydschap en seën.

(Vervolg op Bl 4)



# Uit die Woord

DIE GOEIE, VREUGDEVOLLE NUUS!  
(Léef Desember 2015)



## 'n God van vreugde

Die Bybel sê in **Nehemia 8:10** (1953-vertaling) "...want hierdie dag is heilig aan onse Here. Wees dan nie bedroef nie, want die blydskap in die Here – dit is julle beskutting." Dit sê nie oefening is jou beskutting nie, ook nie harde werk nie, ook nie om die lottery te wen nie. Dit sê nie eers vreugde is jou beskutting nie, maar wel die vreugde wat van die Here kom. Dalk is ons moeg en dan dink ons dit is omdat ons oorwerk is of nie genoeg slaap nie. Dan drink ons slaappille en koop 'n matras wat so slim is dat dit net sowel 'n IK kon gehad het, en hoop dit sal ons rus gee. Maar dan voel ons steeds lusteloos. Ons het geen energie nie.

Die probleem is nie te min slaap nie, die probleem is 'n gebrek aan vreugde. Ons krag is regstreeks gekoppel aan ons vreugde, en ons vreugde is gekoppel aan die Evangelie waarin ons glo.

Ek sê nie ons moet voorgee dat ons vol vreugde is nie – daardie vals glimlag-vir-die-kamera wat niemand oortuig nie. Dit gaan nie daaroor om "uitbundig" te lag en met vrolike sêgoed te wys hoe diep geestelik jy werklik is nie: "Ek lees nou hierdie boek wat sê jy moet vreugdevol leef. Want vreugde is mos deel van die Evangelie. En ek wil hê mense moet kan sien ek glo in die Evangelie. Sê nou net ek glimlag nie heeltyd nie, dan sleep ek dalk net God se Naam deur die modder!"

En dan doen ons dit, ons glimlag en lag en klop mekaar gemoedelik op die skouer, maar by die huis waar niemand ons kan sien nie is ons 'n regte ou suurknol.

Die vreugde wat God gee, is opreg. Dit sypel deur ons hele wese en laat ons elke oomblik in volkome vrede en geluk leef. Die vreude van God versterk ons, troos ons, en bemoedig ons. Ware geluk is 'n manier van leef, nie 'n vlietende emosie nie. Selfs wanneer uiterlike omstandighede ons emosies tydelik rondslinger, kan ons nuwe krag kry deur ons vertroue op God te stel.

Dawid bid in **Psalm 51** dat God hom weer vreugde en blydskap sal laat beleef. Hy vra dat die Vader wéér die inisiatief sal neem en Dawid sal red. Ons kan dit nie op ons eie doen nie. Dit kan net danksy God se genade gebeur.

Die Evangelie bring 'n konstante vreugde na ons lewe. Ongeag waardeur ons gaan, wat ons omstandighede ook al mag wees, wanneer ons die Evangelie verstaan sal ons gelukkig wees en vreugde ervaar.

Die Evangelie en vreugde gaan saam. God se vreugde is gratis. Ons hoef niks te doen nie. God se vreugde is Sy genade, blydskap en krag waartoe ons onbelemmerde toegang het. Niks kan beter wees as dit nie.



# DIE VOORSITTER SÊ



En so snel 2015 na sy einde. Ek kan nie glo dat 11 maande gelede het ons met ywer uitgesien na die begin van 'n nuwe jaar. Ek wonder hoeveel van ons het gehou by ons Nuwejaarsvoorneme? Hoeveel

kilogramme is afgeskud, maar hoeveel is weer opgetel? Hoeveel van ons wense vir die jaar het waar geword? Hoeveel van ons planne het uitgewerk en hoeveel laat ons oorstaan na 2016?

Die bestuur het reeds begin werk aan die beplanning vir die 40 jaar vieringe van SAWA Oos-Kaap. Daar is nie veel kampeerterreine oor waar daar 'n groot genoeg saal is vir ons om ons verjaarsdag in te vier nie. Dit is ongelooflik hoe duur die huur van sale is in die omgewing. As jy 'n stukkie grond het, bou 'n saal en jy kan aftree binne 'n paar jaar. Ek is net bly dat ek nie meisiekinders het wat eendag moet trou nie. Ons het darem voorlopig 'n plekkie gekry wat ons goedgesind is en hulle gaan hulle saal verniet vir ons gee om te gebruik. Ons moet egter van hulle spyseniers gebruik maak, maar ons spaar darem ten minste R6000 op die huur van die saal. Ons sal vroeg in die Nuwejaar vir julle uitnodigings stuur met meer inligting oor die feesvieringe.

Dankie, aan al die lede wat so gereeld kom kamp het. Ons het heelwat lede gehad wat bedank het as gevolg van verskeie redes, ouderdom, karavaan verkoop, finansies, ens. Ons het ook heelwat nuwe lede bygekry wat gemaak het dat ons nog steeds rondom die 115 - 120 lede het. Ons streek is groter, wat lede betref, as wat ander gebiede is. Dit het natuurlik sy voordele maar ook sy nadele. Ons kan nie altyd orals gaan kamp waar ons wil nie, want die kampterreine is soms te klein. Dankie, aan al die lede wat so gereeld antwoord wanneer ons getalle nodig het vir die bespreking van kampterreine. Sommige kampterreine wil nou selfs 'n naamlys van ons hê waarop elke lid wat gaan kamp aangedui is.

Aan die bestuur en hulle gades wil ek net baie dankie sê vir julle onbaatsugtige diens wat julle aan ons lede bied. Ek weet dit is nie altyd maklik om by alles uit te kom nie, maar dit is hoekom ons daar is om mekaar te help. Tussen my en Zelda se gereelde Pretoria toe gaan is dit 'n wonder dat Jacques en Alida nie al hond se gedagtes kry nie. Gelukkig reël ons dit so dat ons nie saam daar is nie en as ons dan wel saam daar is dan maak ek maar of ek nie vir Zelda ken nie.

Aan die van julle wat die komende vakansie gaan kamp of net op reis gaan, ry veilig en kom veilig huis. Geniet die vakansie en geniet 'n geseënde Kerstdag en Nuwejaar met vriende en familie. Aan die jonger lede, hoop julle het 'n goeie jaar op skool gehad en dat julle punte julle ouers trots maak. Aan ons matrieks, ons wens julle alle sterkte toe met julle toekoms drome en mag God al julle drome waar maak.

Groete *Johan Steynberg*



# REDAKTEURSBRIEF



Die tekens van kersfees is definitief oral in die winkels te sien. Daar is uitstallings van groen & rooi kersklappers en kersversierings. Dan is daar in die kruidenierswinkels ook heerlike vrugtekoeke en tradisionele vrugtepasteteitjes te koop vir die soettande. Die voorspelbare jaareind-malligheid is besig om kop uit te steek en almal in sy nare greep vas te vang.

Daar het baie gebeur hierdie jaar. Ons het SAWA lede aan die dood afgestaan, sommige deur siekte ander lede van die ander streke wat wreed vermoor is. Daar is ook lede van ander streke wat geliefdes afgestaan het aan die dood weens plaasmoorde. Ons het baie lede gehad wat operasies ondergaan het of nog gaan ondergaan en dan het ons ook lede of famile van lede wat ernstig siek is. Ons hou nooit op om vir hierdie lede te bid nie. Dan was daar nog onlangs die terreuraanvalle in Parys wat volgens kenners die ergste in 10 jaar in Europa was. Al hierdie dinge maak mens nogals skrikkerig vir wat dalk volgende kan gebeur.

Vir **DeSeMber**

'Dit is die boodskap van Kersfees: Ons is nooit alleen nie' **Taylor Caldwell**

'Die woord het mens geword en onder ons kom woon. Ons het sy heerlikheid gesien... vol genade en waarheid' **JOHANNES 1:14**

'...omdat Hy wat magtig is, groot dinge aan my gedoen het. Heilig is sy Naam!' **Lukas 1:49**

'Wie die Seun het, het die lewe, wie nie die Seun van God het nie, het ook nie die lewe nie' **1 JOHANNES 5:12**

"Kersfees is 'n tyd vir vreugde en welwillendheid. Mag God jou seën met albei' **PHILLIPS BROOKS**

Ek hoop dat almal wat deelgeneem het aan die Big Walk dit baie geniet het. Daar was ongelooflik baie mense en dit was weereens 'n wonderlike ondervinding om te sien hoe baie mense daar is wat omgee vir geliefdes wat die stryd teen kanker dapperstry of gestry het.

Baie dankie aan Elzaan le Roux wat my gehelp het om die wapad so 'n nuwe baadjie te gee. Ek sukkel nog maar so bietjie met die nuwe program, maar ek glo ek sal hom spoedig baas raak.

Ek hoop dat almal se eksamens voorspoedig afgeloop het. Sterkte aan die matrieks met hulle toekomsplanne. Sommiges gaan dalk volgende jaar verder studeer of ander sommer dadelik met 'n werk begin. Maak nie saak wat julle aanpak nie, doen dit net tot die beste van jul vermoë. Die mense wat weggaan met vakansie moet veilig reis en diegene wat nie so gelukkig is nie; volgende jaar kry ons weer 'n beurt. Rus lekker en spandeer tyd saam met jul geliefdes.

"Vandag is daar vir julle in die stad van Dawid die Verlosser gebore, Christus die Here!" Mag julle hierdie Kerstdy die vrede en welbehae van ons Verlosser ervaar.

Groete *Oschke Lambrechts*





## Siekte


- Bettie Venter het geval en moes 'n heupoperasie ondergaan
- Ettienne du Preez was in die hospital
- Jan-Botha le Roux was in die hospital
- Jacques Strydom was in hospitaal vir 'n prosedure
- Zelvone Swanepoel het 'n voetoperasie ondergaan
- Tania Deyzel was in 'n motorongeluk
- Marie Weitz se moeder se been is geamputeer
- Meagan Momberg was vir toetse en word 4 Desember 2015 geopereer
- Tannie Ria se dogter was vir 'n operasie
- Johan Fourie was vir 'n biopsie en is 30 November 2015 geopereer
- Lizelle Bothma se pa is in die hospital
- Kenneth Bothma se stiefpa is in ICU
- Zeldri Strydom het 'n galblaas operasie ondergaan
- Alida Steynberg het haar port laat verwijder
- Steve Lambrechts & Christelle Deyzel se moeder kry steeds chemoterapie en was vir 'n geruime tyd in die hospitaal
- Jakkie & Johan Barnardo se kleindogter, Jana, was in die hospital
- Ettienne du Preez se ma is gediagnoseer met kolonkanker



**Lee-Ann Bothma  
by haar Graad 7  
afskeid**



**Lize Strydom in aksie op die  
hokkieveld**



**Gato Ferreira**

## Lief

- Jakkie & Johan Barnardo se kleindogter, Jana, is gebore
- Peter en Leonie van Rensburg se seun is getroud
- Markus & Riana Pottas se jongste dogter, Liesel , het verloof geraak. Hul dogter Riette het aan hul kleindogter die lewe geskenk
- Meagan Momberg is verkies tot Laerskool Frans Conradie se leerlingraad 2016
- Alle leerders wat pryse ontvang het by hul onderskeie skole se prysuitdelings
- Lize Strydom is gekies vir Hoërskool Brandwag se o/16A hokkie toergroep wat Kaapstad toe gaan in Maart 2016
- Gato Ferreira het die Wines2Whales 3 day MTB Stage Adventure ride gedoen.
- Richard Heyman het sy 40 jaar diens award gekry by Transnet

## Leed

- Tannie Susie Kruger is oorlede
- Oom Piet Kapp se broer is oorlede



**Peter & Leonie  
se seun, Duncan, op  
sy troudag**




**Jana Stander**



**Richard Heyman**



# EREKODE



**Hiermee verbind ek myself en my gesin tot die Grondwet, asook  
Tot die Reëls en Gedragskode van die Suid-Afrikaanse Woonwa-Assosiasie  
Verder verbind ek myself tot die volgende:**

1. Ek sal strewe om die Christelike grondslag van SAWA te bewaar en uit te lewe;
2. Ek sal SAWA dien sover ek kan en alles in my vermoë doen om ons Assosiasie uit te brei;
3. Ek sal ons geliefde land se natuurskoon en sy fauna en flora beskerm en bewaar;
4. Ek sal poog om alle openbare geriewe en fasilitete tot my beskikking so te benut dat ander gaste dit sonder ongerief kan gebruik;
5. Ek sal poog om in alle oopsigte hoflik te wees, beleefd op te tree en bedagsaam te handel teenoor alle padgebruikers;


Ek sal daarop let om nie deur my gedrag die eer van SAWA te skend nie, maar sal poog om die agting van almal met wie ek in aanraking kom, af te dwing.

### **ONVOORWAARDELIKE LIEFDE** (Ingestuur deur Tania Deyzel)

Hierdie naweek het ek net weer tot die besef gekom dat ons mekaar soos 'n kind moet liefhê. Hulle vra nie hoeveel geld jy in die bank het, wat jou beroep is, watter soort motor jy ry, hoe groot jou huis of vriendekring is nie, of in watter sosiale kringe jy rondbeweeg nie. Nee, wanneer hulle met hulle uitgestrekte armpies na jou toe hardloop en jy hulle met 'n glimlag in jou arms opraap, is dit vir hulle genoeg. Hulle vra nijs meer of minder nie, net onvoorwaardelike liefde.

Dit het my laat wonder, hoe anders sou die lewe nie gewees het as dit vir ons volwassenes ook genoeg was nie? Ek het besef dat as alle mense dit in die verlede in hul alledaagse lewe meer toegepas het, en dit sluit my ook in, sou dit baie dinge verander het. Baie hartseer, vervreemding en selfverwyt sou gespaar gebly het. Selfs die geweld in ons land sou soveel minder gewees het. Dink maar aan ons regering, die verraad, bedrog, die geknoeiery, selfs ons gemeenskappe, skole, kerke, families en ja, selfs ons huisgesinne. Alles kon soveel anders gewees het as ons maar net ons trots, snobisme, gejaag na roem en rykdom en dan natuurlik ook daardie "eie ek" onder 'n mat ingevee het en soos 'n kind kon liefde gee, sonder voorwaardes of eise.

Ek het net daar my hoof gebuig en die Hemelse Vader gevra om my te help om net myself te wees en om liefde te gee soos 'n kind, want ek dink dis die beste geskenk wat ons enigiemand kan gee – **onvoorwaardelike liefde**.





# VOORRAAD

Voorraad is beskikbaar by  
Karen Rautenbach.  
Kontak nr 082 781 1585

Voorraad	Prys
Sakwapens	23.00
SAWA Groot	30.00
Snor O/Kaap	30.00
hoede	70.00
pette	50.00

Voorraad	Prys
Peaks	50.00
Sangbundels	30.00
GR Sangbundels	60.00
Plastiek Oortreksel	5.00
Tafeldoek	130.00
Wiele	30.00

## BIG WALK 2015

Die jaarlikse Big Walk was op 31 Oktober 2015. Die opkoms was fenominaal!





# GRAPBLAD




**Ons eerste wedstryd in die Rugby Wêreldbeker het nie so goed afgeloop nie!**



NEW ON JAPANS SUSHI MENU



En dan ons president wat nie kan  
lees (of tel) nie!



# Oos-Kaap

## Brakkeduijn Boskamp

11-13 September 2015



Ons Boskamp wat vanjaar vanaf 11 tot 13 September te Brakkeduijn gehou is, sal beslis uitstaan as 'n hoogtepunt kamp van die jaar! Ten spyte van al die bekommernis oor reën en die begaanbaarheid van die pad na al die reën, het die weer in 'n ommesentjie verander na 'n pragtige sonskyn naweek!

Brakkeduijn is pragtig en dit is regtig jammer dat die stuk grondpad nie beter versien word nie. Indien dit wel makliker begaanbaar met karavane sou wees - is ek seker dit sal onmiddellik een van die gewildste kampterreine word. Die plek spog met pragtige geriewe soos 'n ten volle toegeruste kombuis wat as 'n saal of bymekaarkom plek kan dien, sitplekke wat uitkyk oor die dam water kompleet asof jy sit en grootskerm TV kyk, lapa vir lekker kampvuur aande, foefieslide, gelybaan, wandelroetes, natuurskoon, speelparkie en natuurlik die 4x4 ekskursies! Daar is voorwaar iets vir elkeen om te doen!


Vrydagdaand het Jacques Swanepoel vir ons die boekvat gehou en daarna het ons almal saam steak gebraai en heerlik saam gesmul. Tania het gesorg vir heerlike sampioenesous vir die steak, Sandra Meyer vir die pap, Zeldri vir die stew en verskeie ander vrouens vir die slaai.



Sandra en Boertjie het hul kussings vergeet en moes toe maar op Stefani & llani se Winnie-the-pooh kussings slaap




Saterdagoggend het 'n paar van die manne gaan visvang, sommiges het rustig by die kamp gekuier en die grootste groep is op die 4 x 4 ekskursie. Van die manne het die verskillende uitdagings met versigtigheid benader, sommiges soos Steven Meyer met 'n splinternuwe bakkie, en andere soos Jacques Strydom het nie die kans laat verbyglip om saam met al die verskillende voertuie die uitdagings uit te ry nie! Lees gerus die uitstekende, beskrywende berig van Tania Deyzel oor die dag se ervarings!



# Oos-Kaap

## Brakkeduine Boskamp

11-13 September 2015




Saterdagaand is afgesluit met 'n verjaarsdag-ete uit die boonste rakke. Sandra Meyer en Karen Rautenbach het vir almal 'n koningsmaal voorgesit van skaapboud, gebraaide hoender, pappoenkoekies, aartappels, tuisgebakte brode, slaai tot gabakte poedings.

Dis net Sawanante wat so lekker kan saam kuier - dis waarom ons meer as net vriende is! Sondagoggend het ek die boekvat gedoen en baie belangrike plaaitjies uitgedeel!!! Daarna het ons almal saam ontbyt geniet en toe die terugtog huis-toe aangepak! Dit was voorwaar 'n heerlike naweek waar vriende saam gekuier en meestal geëet het.



Baie dankie vir elkeen se bydrae wat hierdie kamp so besonders gemaak het!

Liefde Groete, Zelda Swanepoel



# Oos-Kaap Brakkeduine Boskamp 4x4 Belewenis



En so breek die naweek van die boskamp uiteindelik aan. Zelda vra op die whatsapp groep of sy 'n bespreking moet maak vir 'n 4x4 roete vir die Saterdag. Al die mans skree soos een koor, natuurlik!!

Dieoggend is almal slaggereed om te vertrek. So opgewonde soos 'n kind voor 'n verjaarsdagpartyjtie wag almal in spanning. Oom Johan deel gou radio's uit en lê gou vinning 'n paar reëls neer en daar gaan ons!! Voorwaarts mars!!

Man, ek moet vir julle sê, die senuwees knaag, want dis 'n eerste vir my! Gou kom ek agter dat daar 'n paar gesoute manne tussen ons is. Oom Johan, voor met sy Toyota, gee die pas aan en maak die pad. Ons sukkel, stamp en stoot, rol terug, maar opgee, a nee a, ons beur voort!!

Die manne gee raad—sit die "diflock" aan en pak die bult aan in tweede rat, die ander een sê, sit die "diflock" af en ry in derde rat. Nou wat nou?? Nee wat, ons probeer maar op ons manier. Nou kom oom Johan ook by met raad. "Wag, laat ek jou bakkie hier op vat". Daar gaan ons!! Ons is bo uit!! Jippie!!

Nou is dit die volgende ou se beurt. Haai, kan julle glo, selfs die voertuie van die manne wat ken se "reverse" ligte kan ook brand!! Arme Jacques trap self 'n stel of twee af en stukke van die fortuener ry vir die res van die roete agterop 'n Nissan bakkie.

Jacques Strydom geniet die hindernisse so baie so dat hy sommer by elke voertuig inspring wat dit aanpak!!

Nou raak ek slim, klim plek-plek uit en loop die sandduin uit om beter fotos te neem. Terwyl die manne 4x4 ry, speel die kinders te heerlik. Nou is dit die vrouens se beurt en daarna kom die manne aan die beurt. Die dominee dink dis beter om te "surf" as om te sit!

By die tweede laaste hindernis verloor die Nissan 'n band. Gou is almal daar om handjie by te sit en toe is hy vining weer oppad!! Zolten met sy Ford wys vir die manne hoe die jonges dit doen. Kyk, hy en Ian Meyer is vreesloos! Nie 'n bang haar op hulle koppe nie. Moet sê, sy bakkie se "reverse" ligte het ook maar 'n paar keer gewerk!! Selfs oom Johan se Toyota s'n ook!!

By die laaste hindernis gaan dit maar baie moeilik, die V8 sit vas, maar met 'n vinnige stootjie is hy gereed om weer te probeer. Nou vat ons die pad deur die bos terug kampterrein toe. Sjoe, maar dis ongelooflik mooi!!


Wat 'n belewenis!!! Ongelooflike ervaring, iets wat ons almal sal onthou vir die res van ons lewens.

Baie dankie aan oom Johan van Brakkeduine. Ons sien oom definitief weer en dan gaan ons beter voorbereid wees!!

Groetnis tot volgende keer!

**Osikapi**





# Oos-Kaap Gamtoos Ferry 11-13 September 2015




Ons was Vrydag al lekker vroeg by die kamp. 'n Fyn reëntjie het kort-kort gevallen, maar Sawa lede laat hul nie so maklik deur die weer afsit nie. Vrydagaand na boekvat het almal lekker gebraai en om die vure gekuier.


Vroeg Saterdagoggend het Duppie en Ems vir oom Gert en tannie Luzie gaan haal. Oom Gert het besluit dit is nou tyd om te rus na al die jare se harde werk. Hulle vertrek binnekort na sy kinders in die Transval waar hulle by sy kinders gaan woon en dit hul nuwe tuiste maak.

Ons het vir hulle 'n verrassings ontbyt gereël wat deur die lede bygewoon is en dit was vir hulle 'n groot verrassing. Na 20 jaar by Sawa Oos-kaap is dit hartseer om hul te laat gaan, maar ons wens hulle alle sterke en voorspoed met hul nuwe tuiste toe.



Saterdagmiddag is daar pannekoek gebak en verkoop. Baie dankie aan Leonora en haar span wat die pannekoek verkope gedoen het. Dit was heerlik. So kuier ons weer almal om die vure die aand.





# Oos-Kaap Gamtoos Ferry 11-13 September 2015



Sondag was die weer weereens baie lekker en 'n pragtige soneskyn dag. Johan Steynberg het vir ons 'n pragtige boodskap gebring en daar is plaatjies uitgedeel.



**Susan Smith – 20 streek  
Cecile Meyer – 170 streek  
Shaun & Madelyne Victor – 20 streek**

Die lede wat wou braai het gebraai en die dag saam afgesluit. Baie dankie aan almal vir jul ondersteuning en 'n baie lekker naweek.

Sawa groete; **Richard & Leana**

## **HET JY GEWEET? (Ingestuur deur Susan Smith)**

In die konsentrasiekamp, meer as 100 jaar gelede, sit Anette Marais op 'n stomp en skud die stof van haar verslede klere af. Rondom haar sit die groepie bekende gesigte van moeë vrouens. Net 'n paar tree verder is die hoë draad van die konsentrasie kamp. Sy slaan haar Bybel oop en begin lees. Sy het in die donker ure van die nag geworstel met God en Hom gesmeek vir 'n boodskap om hierdie vrouens te bemoedig, want wie weet hoe lank nog. Anette lees die woorde van **Matt 10:29 – "Is twee mossies nie vir 'n sent te koop nie, en tog sal nie een van hulle op die grond val sonder die wil van julle Vader nie."** Terwyl sy besig is om hierdie woorde te lees, kom sit daar 'n vaal klein mossie op haar skouer. Die groepie vrouens staar in verbasing na wat voor hulle gebeur, en so word die mossie, die teken van hoop in die onmoontlike omstandighede van die konsentrasie kamp in Bethulie. Dit was fantasties om in die maande wat volg te sien hoe die mossies van Bethulie 'n baken van geloof en hoop word vir hierdie vrouens. Op 21 Mei 1902 was die oorlog verby, Anette het op pad terug na haar huis gestop by 'n vrou met invloed en haar vertel van die mossie-boodskap, sy het dit weer oorvertel en Genl Jan Smuts het in 1923 die mossie op die land se kleinst muntstuk (kwartpennie) laat verskyn. Amper 80 jaar later sit Jak de Priester in 'n park in Londen. Sy geld is op, hy kry nie werk nie, hy mis die meisie van sy drome en soneskyn en biltong. Hy slaan sy klein silwer Bybeltjie oop en lees die "mossie" boodskap en bid vir die soveelste keer vir werk! Vroeg die volgendeoggend lui sy telefoon en dis die oproep waarvoor hy gewag het. Hy spring op die eerste trein en begin met 'n lang dag se onderhoude. Moeg maar gelukkig en met 'n permanente werk klim hy weer laatmiddag op die trein. Toe hy inklim sien hy 'n muntstuk op die vloer lê, hy tel dit op, en daar op 'n trein in Londen hou hy 'n Suid-Afrikaanse 1c in sy hand, met 'n mossie agter op. Hy vertel dat die wêreld rondom hom gaan stil staan het, dat hy besef het dat God daar by hom op die trein is en dat gebed sy waarborg is in hierdie stukkende wêreld.





## Susannah Sophia Kruger (Tannie Reitz) 4 Julie 1927—21 Oktober 2015



Reitz Kruger is gebore op 20 April 1929 en Susie Kruger op 4 Julie 1927. Hulle is getroud op 20 April 1957 in Ysterplaat in die Kaap. Daar is twee dogters gebore uit die huwelik, die oudste René en ek is die jongste, Anita. Vandat ek kan onthou kamp die Kruger's al. Ons was nog babas toe ons begin kamp het saam met my ouers.

My herinnering aan 'n kamp vakansie as 'n klein dogtertjie het beteken onbeperkte dae/weke vol pret. Kinders hou van kamp, en ons was niks anders nie. Daar is net iets aan die "vrye gevoel" in die buitelug wat jy aan niemand kan beskryf nie. Ons kon vir ure langs die strand stap en alles verken. Daar is altyd baie kinders om mee te meng en nuwe vriende wat gemaak word. Ons het boom geklim, bal gespeel op die strand en geswem. Dit was dan dat my ouers kon terugsit en ontspan, terwyl ons kinders onsself geniet. Ons was altyd naby 'n snoepie, kafee of supermark om 'n roomys te koop, want dit is my pa se gunsteling. Fiets ry en vissies vang in die poeletjies op die strand was altyd iets om na uit te sien. Aan die einde van die dag was ons pootuit.

Ons kinders moes help afpak as ons by die kamp kom. Dit was nie altyd die lekkerste ding nie, maar dit was 'n spanpoging en almal in die gesin het 'n taak gehad. My suster moes die pale uitpak en ek die penne, terwyl my ouers die tent se dakseil opgesit het. Nadat alles in die tent en karavaan uitgepak was, moes ons kinders die waterbottels gaan volmaak het. Eers dan kon ons gaan rondloop.

My ouers het begin kamp in die vroeë vyftigerjare deur agter in 'n stasiewa op 'n matras te slaap. Toe die kinders kom het hulle hul 1ste Sprite Alpine karavaan gekoop waarmee my pa die hele land deurgery het. Later het hy 'n paar ander karavane gekoop en in 1989 by SAWA aangesluit. So het hulle by baie plekke gekamp. Van my ouers se gunsteling plekke was Die Bakke by Mosselbaai en ook Baden. Hulle het tot by die Kruger Wildtuin gedraai. Van Stadens, Houdini spa en Jeffreysbaai was maar 'n paar van die baie plekke.

Ek onthou dat die karavaan altyd gepak was. Al wat moes inkom was die bederfbare kos, verder was die klere en alles reg vir my pa om te haak en ry. My ma het die lekkerste "cornbeef stews" gemaak as ons kamp en my pa se braaivleis saans was onvergeeflik. As my pa groot visse by Van Stadens en Keurbooms strand gevang het, moes my ma Kerrie vis maak.

As die blou blasies ons kinders gesteek het, was my ma altyd daar met 'n selfie. Dit was groot pret in die karavaan as dit gereën het. Dan is daar kaart en bordspeletjies gespeel. My pa was natuurlik altyd die wenner...

Reitz en Susie het die laaste keer op Van Stadens gekamp en 'n toekenning gekry van SAWA se bestuur vir die oudste langlewende kampers in SAWA. My ma het ongelukkig te verouderd geraak om verder te kamp. Sy is Aandmymering toe in Junie 2015 waar sy op 21 Oktober 2015 afgesterf het in die ouerdom van 88 jaar. Sy het hulle kamp altyd geniet soos 'n 2de huis weg van haar woonhuis. Reitz & Susie was lief vir die see en kamp en dit sal altyd onthou word as hulle gunsteling vakansiete saam.

**(Geskryf deur Anita Grassow)**

### **SAWA toekenning**

- 5x kampkommandante
- 11 jaar op die bestuur gedien
- Sawanant van die jaar 2002
- SAWA Vrou van die jaar 2009
- Streek Meriete in 1997, 1998, 2001, 2002, 2004, 2006
- Streek Eretoekenning in die jaar 2000



- Streek Eretoekenning Hoër Graad 2003
- Gebied Meriete 2001
- Gebied Eretoekenning 2004
- Gebied Eretoekenning Hoër Graad 2007
- Nasionale Meriete 2002
- Nasionale Eretoekenning 2005
- Erelidmaatskap 2008

**Haar SAWA familie sal haar beslis nie vergeet nie en haar plekkie sal leeg wees by hulle.**



## Ietsie vir die Huwelik



### 40 Day Love Dare challenge

- Day 1:** Resolve to say nothing negative about your spouse today (Ephesians 4:2)
- Day 2:** Do at least one unexpected gesture to your spouse as an act of kindness.. (Ephesians 4:32)
- Day 3:** Buy your spouse something that says, "I was thinking about you today" (Romans 12:10)
- Day 4:** Contact your spouse sometime during the day and ask how he or she is doing and if there is anything you could do for them (Psalm 139: 17-18)
- Day 5:** Ask your spouse to tell you three things that cause him or her to be uncomfortable or irritated with you. You must do so without attacking them (Proverbs 27:14)
- Day 6:** Choose to react to tough circumstances in your marriage in loving ways instead of with irritation (Proverbs 16:32)
- Day 7:** On a sheet of paper, write out positive things about your spouse. At some point during the day, pick a positive attribute from the list and thank your spouse for having the characteristic (1 Corinthians 13:7)
- Day 8:** Share with your spouse how glad you are about a success he or she recently enjoyed (Song of Solomon 8:6 "Set me as a seal upon your heart, as a seal upon your arm, for love is strong as death, jealousy is fierce as the grave. Its flashes of fire, the very flame of the Lord."
- Day 9:** Think of a way to greet your spouse today to reflect your love for them, and then do it with a smile and enthusiasm (1 Peter 5:14)
- Day 10:** Do something out of the ordinary today for your spouse (Romans 5:8)
- Day 11:** What need does your spouse have that you could meet today? Example: Choose a gesture that says "I love you" and do it with a smile (Ephesians 5:28)
- Day 12:** Demonstrate love by willingly choosing to give in to an area of disagreement between you and your spouse (Philippians 2:4)
- Day 13:** Talk with your spouse about establishing healthy rules of engagement and resolve to abide by them when the next disagreement occurs (Mark 3:25)
- Day 14:** Purposely neglect an activity you would normally do so you can spend quality time with your spouse (Ecclesiastes 9:9)
- Day 15:** Choose a way to show honour and respect to your spouse that is above your normal routine (1 Peter 3:7)
- Day 16:** Pray for three specific areas where you desire for God to work in your spouse's life and in your marriage (3 John 2)
- Day 17:** Determine to guard your mate's secrets and pray for them (Proverbs 17:9)
- Day 18:** Prepare a special dinner at home and focus this time on getting to know your spouse better (Proverbs 3:13)



# FIREPROOF

YOUR MARRIAGE



**Day 19:** Ask god to show you where you stand with him, and ask for the strength and grace to settle your eternal destination (1 John 4:7)

**Day 20:** Dare to take God at his word and trust Jesus Christ for salvation (Romans 5:6)

**Day 21:** Make time to pray and read your bible today (Isaiah 58:11)

**Day 22:** Choose to be committed to love even if your spouse has lost most of their interest in receiving it (Hosea 2:20)

**Day 23:** Remove anything that is hindering your relationship, stealing your affections and turning your heart away from your spouse (1 Corinthians 13:7)

**Day 24:** Identify every object of lust in your life and remove it (1 John 2:17)

**Day 25:** If there is anything you haven't forgiven in your spouse, forgive it today (2 Corinthians 2:10)

**Day 26:** Ask for God's forgiveness for your areas of wrongdoing, then humble yourself enough to admit them to your spouse (Romans 2:1)

**Day 27:** Think of one area where your spouse has told you you're expecting too much, and tell them you're sorry for being so hard on them about it (Psalm 25:20)

**Day 28:** Purpose to do what you can to meet the greatest need in your spouse's life right now (1 John 3:16)

**Day 29:** Before you see your spouse again today, pray for them by name and for their needs (Ephesians 6:7)

**Day 30:** Ask the Lord to reveal anything in your own heart that is threatening oneness with your spouse and if appropriate, discuss it openly and seek God for unity (John 17:11)

**Day 31:** Commit to God and your spouse to make your marriage the top priority over every other human relationship (Genesis 2:24)

**Day 32:** If at all possible, try to initiate sex with your spouse today (in a way that honours them) (1 Corinthians 7:3)

**Day 33:** Tell your spouse that you desire to include them in your upcoming decisions, and that you need their perspective and council (Ecclesiastes 4:11)

**Day 34:** Verbally commend your spouse about a recent time when they demonstrated Christian character in a noticeable way (1 Corinthians 13:6)

**Day 35:** Find a Christian Marriage mentor. Ask God to direct your decisions and discernment (Proverbs 15:22)

**Day 36:** Commit to reading the bible every day. If your spouse is open to it, see if they will commit to reading with you (Psalm 119:105)

**Day 37:** Ask your spouse if you can begin praying together (Matthew 18:19)

**Day 38:** Ask yourself what your spouse would want if it was obtainable, then map out a plan for meeting, some (if not all) of their desires (Psalm 37:4)

**Day 39:** Spend time in personal prayer, then write a letter of commitment and resolve to your spouse. Leave it in a place where your mate will find it (1 Corinthians 13:8)


**Day 40:** Write out a renewal of your vows and place them in your home (Ruth 1:16)



## Blokkieskombers projek

Ons vra vir almal, of jy kan iemand anders vra, om asb vir ons blokkies te brie of hekel. Twintig steke met twintig rye. Daar is tyd tot einde April 2016. Iemand sal dan vir ons die blokkies aanmekaar werk en die komberse sal geskenk word aan 'n gesikte organisasie/tehuis/hospitaal waarop ons nog moet besluit. Ons vra julle almal om ons te ondersteun asb. Klaar gebreide blokkies kan vir Leana Labuschagne gegee word. Baie dankie aan almal wat alreeds blokkies afgelaai het.





# Oos-Kaap Van Stadens 23-25 Oktober 2015




Hierdie kamp begin op 'n hartseer noot. Ons groet 'n baie spesiale dame. Sag rus tannie Susie Kruger. Tannie Susie se gedenkdiens word 4 uur eers bygewoon deur baie van ons getroue vriende. Ek sal tannie Susie altyd onthou vir haar omgee en bedsokkies.

By die kamp hanteer Tania en Eddie Deyzel inbetaling vir die naweek en Tania doen boekvat. Ons sing heelik saam met Elise wat ons heel naweek begelei met haar viool. Vining kry elkeen van die 56 karavane hulle gaaitjie om te staan en vure brand hoog. Dis mos altyd lekker by die see.

Saterdagoggend hou Tania weer vir ons boekvat en gesels heelik met die kinders oor die seuntjie met die blou motortjie. Na boekvat het Estelle en Carla Ferreira die kinders heelik verras deur hulle te wys hoe om baie oulike koppie en piercing versiering met lekkergoed, koekies en versiersuiker te maak. Toe het kinders genoeg suiker ingehad om die sandduine aan te durf.



Die naweek het 8 karavane van streek Strelitzia heelik saam gekuier en heerlike pannekoekte verkoop Saterdag vir middagete. Baie Dankie daarvoor. Dit was heelik en ons sien uit na die 100 Plus volgende jaar.



# Oos-Kaap Van Stadens 23-25 Oktober 2015



Groot rugby was gekyk saam net ons verjaarsdagmeisie, Ischke. Steve en Martin het grootskerm teen die karavaan gepraktiseer en rugby is gekyk. In die saal het ook 'n groep lekker saam rugby gekyk. Dit is jammer die Springbokke het verloor.



Sondagoggend het Danie Saayman vir ons diens gehou. Tema was: Leef jou droom. Baie mooi boodskap wat vir ons elkeen weer laat besef het dat ons elkeen spesiaal is.



Emsé & Duppie Du Plessis—50 Streekkampe

Andy Wait—70 Streekkampe




Alma & Wouter Steenkamp - Erelidmaatskap



Die matrieks se geskenkies is uitgedeel.

Spesiale dankie aan Elise wat ons heel naweek met haar viool bederf het. Baie Dankie vir 'n lekker kamp. Tot volgende keer.  
Groete, Karen Rautenbach



# Oos-Kaap Van Stadens Senior Burgers 21-25 Oktober 2015



## Senior Burgers

Die Senior Saamtrek begin op Woensdag 21 Oktober met 3 gesinne. Donderdag sluit daar nog 7 gesinne by die groep aan. Donderdagmiddag word daar heerlik gekuier met 'n eet- en drinkdingetjie. Die aand word daar boekevat gehou voordat daar weer heerlik saam gebraai en om die kampvuur gekuier word.

Vrydagoggend is daar ook weer saam ontbyt gemaak.

Groete;  
**Sandra Fourie**



## WINTERTOER 2016—DIE STILTE VAN DIE KARUSA

**Datum: 9-16 Julie 2016**

**Afstand: +/- 2000km**

Waarskynlik gaan ons gaan, kan jy die temperatuur tot vêr onder vriespunt daal. Ag nee, tog nie alweer op dieselfde pad. Ek bly sommer en gaan kamp in Jakkie se "gat". Ons ontmoet mekaar dieoggend van 9 Julie om ..... net buite Uitenhage op die pad na die Bronne. Nou gaan ons verder tot by Peppie, maar hy nooi ons nie in. Verder sal ons ry—Oupa en Ouma sit op die stoep en luister na die donkie se geroep. Daarna kom die swaar pad, hoop ons word deurgelaat. Word net nie kwaad, want ek weet waarvan ek praat.

Gaan ons vir Queen kuier? Nee eerder vir haar man. **JA, hier gaan ons vir 'n paar dae vertoef, want hier is baie plekke om te besoek. As jy al voorheen hier was, verbeel jou dis die eerste keer. Steek tog net jou woede in jou sak.** Ons almal is hier vir die plesier en nie om ander se vakansie te versuur. Ek glo ons almal gaan dit geniet, al het ons nie sneeu gesien.


### PLEK VAN DIE ATTEKWA

### DIE BERG WAT BRAND

### LION-LION

Maklik né, so nou kan jy self sien waarheen hierdie toer ons lei. Dit is nie waar ons voorheen was, maar vêr verby. Nou is dit geen geheime toer, want almal gaan so hier en daar loer.

**Indien jy seker is jy gaan, skakel asb vir Tjaart by 084 580 5818. Die afsnydatum is 28 Februarie 2016 omdat daar vooraf besprekings gedoen moet word. Ek moet deposito betaal en die prys beding. Daarom moet ek weet hoeveel mense saamgaan. Onthou geen deposito's word terug betaal nie.**



# Oos-Kaap

## Mangoldspool

20-22 November 2015



Die jaar stap nou so vinnig na 'n einde se kant en dis ons naweek om op Mangolds te kamp. Die wat nie kinders op skool het nie, het al vanaf die Donderdag middag gaan kamp. Baie bly om Oom Pieter en tannie Bettie Venter te sien na hulle n geruime tyd nie gekamp het nie, weens hulle gesondheid. Die weer was Donderdagaand baie lekker, maar vanaf Vrydag het ons nie geweet of dit winter of somer is nie.



Andre Ankiewitz het Saterdagoggend vir ons boekvat gehou. Saterdag het elkeen sy eie ding gedoen. Daar is oor en weer gekuier. Dit was glad nie aangename weer nie, soos wat Annemarie Swanepoel dit sal noem: "Dit is klappertand koud en reën katte en honde. Die wind waai 'n hond uit 'n bos uit, maar ons kamp te lekker." Tot oom Barend en annie Lenie Swanepoel met kleinkind en al het kom kamp, maar kamp wil ons kamp. O ja dankie "Barbie" dit was lekker om julle weer te sien. Die vure het gebrand en daar is gebraai en potte gemaak.

Sondagoggend soos gewoonlik skyn die son pragtig, maar ook die wind los ons nie. Jakkie het vir ons 'n pragtige boodskap gebring oor tolletjie brei en ek glo en vertrou elkeen kon iets uit die boodskap saam neem.



Van die lede het vroeg vertrek en van hulle het nog middagete gemaak. Mangolds bly maar n lekker plek, hoe nader wil jy by die see wees. Ons het gegroeи van 10 tot 17 Karavane .

Groete; **Liana**



## ADVERTENSIEBLAD

Indien u belangstel om u besigheid of enige ander advertensie hier te wil plaas kontak my gerus.  
Email: [ischke@yahoo.com](mailto:ischke@yahoo.com)  
Sel: 072 800 8723

 **KLINICARE**  
PHARMACIES  
*Caring for YOU*

**KLINICARE UITENHAGE**  
**Tel: 041-991 12 34**  
**BUSINESS HOURS**  
**MONDAYS-SATURDAYS:**  
**08H30-21H00**  
**SUNDAYS & PUBLIC HOLIDAYS:**  
**10H00 - 21H00**  
**FREE DELIVERY**

Adress: 114 Caledon Street, Uitenhage 6230 (Opposite McDonalds)

**Building Contractor**

NHBRC & VAT Registered (Ubuntuvent cc)

~ Free quotations ~

\* New Buildings \* Boundary Walls \* Palisades \* Paving \*  
\* Alterations \* Electrical \* Plumbing \* Granny Flats \*

Phone CJ Snyman


Cell: 084 580 5818      Fax: 041 933 3248

email: [tjaarts@webmail.co.za](mailto:tjaarts@webmail.co.za)




## NUWE LEDE


Nuwe lede wat aangesluit het is Andries & Elaine Hanekom. Lede wat van streek Seeumeeu af oorgekom het is Andre & Samantha Ankiewicz en Johan & Ronel Gouws. Baie welkom aan hierdie nuwe lede. Ons glo dat julle sommer spoedig huis sal voel in ons SAWA familie.



Andries & Elaine  
Hanekom



Johan & Ronel  
Gouws




Andre & Samantha  
Ankiewicz

### HELP SILENCE SNORING

Snoring occurs when the sleeper's airway is constricted and the air that moves in and out during breathing causes parts of the nose, mouth and throat to vibrate, producing noise. This can range from soft whistling up to 60 to 85 dB - as loud as an alarm clock or vacuum cleaner! Yikes! Fortunately, Silence® Anti-Snoring Solution helps to reduce these vibrations for a peaceful night's sleep. Simply spray the solution at the back of your throat before bedtime and enjoy a silent night's sleep. Retailing from R109.95 to R124.95 from leading pharmacies for a one month's supply.



Ek het gedink dat die nogals nuttige inligting kan wees vir diegene wat sukkel met die probleem; of hoe sê ek Rautie!





## LEDE INDELING

**JOHAN STEYNBERG**  
 Anton & Dina Claassen  
 Willie & Martie Gummow  
 Beata Janse van Rensburg  
 Christo & Dianne Jonker

Gerhard & Leonora Moggee  
 Eric & Wilna Noack  
 Gary & Juliana Oelofse  
 Theo & Mariana Pozyn

Elmar & Elsabe Steyn  
 Stan & Marguerite Vermeulen  
 Anton & Rozelle van Molendorff

**RICHARD HEYMAN**  
 Andre & Samantha Ankiewicz  
 Werner & Charmaine Barnard  
 Johan & Jakkie Barnardo  
 Morne & Ruth Basson

Martin Botha  
 Casper & Philna Jerling  
 Anton & Karin Knoetze  
 Jaco & Elsabe le Roux

Charl & Lynette Potgieter  
 Paul & Juanita van Aardt

**LEANA LABUSCHAGNE**  
 André & Jeniffer Barnard  
 Gerhard & Michelle Bosch  
 Bossie & Ronnie Boshoff  
 Louis & Rene Botha  
 Tobie & Judy Botha  
 Kenneth & Lizelle Bothma  
 Geroge & Karin Brand

Gato & Estelle Ferreira  
 Johan & Ronel Gouws  
 Kallie & Denise Kaltenbrunn  
 Gerrie & Vanessa Rens  
 Johan & Kobie Rossouw  
 Naas & Corne Terblanche  
 Peter & Leonie van Rensburg

Theo & Susan van Brouwershaven  
 Gerrie & Lorna van Rooyen  
 Corrie van Vuuren  
 Ds Rudi & Natasja van Tonder  
 Shaun & Madelyn Victor  
 Grant & Sonette Willett

**SANDRA FOURIE**  
 Gerrie & Isabella Bezuidenhout  
 Willie & Jackie Conradie  
 Chris & Magda Coertze  
 Cynthia Didloff  
 Duppie & Emsé du Plessis  
 Tertius & Latella du Toit  
 Stenie Grobler  
 Louwtjie & Erika Heunis  
 Piet Kapp  
 Reitz Kruger

Cecile Meyer  
 Eddie & Rentia Nance  
 Markus & Riana Pottas  
 Leon & Marina Reynierse  
 Gert & Luzie Scheepers  
 Susan Smith  
 Tjaart & Nelia Snyman  
 Johan & Petro Slabbert  
 Elria Stanford

Wouter & Alna Steenkamp  
 Barend & Lenie Swanepoel  
 Pieter & Bettie Venter  
 Andre & Marietjie Venter  
 Johan & Gesina Vermaak  
 Andy Wait  
 Malcolm & Sandra Wait  
 Ben & Marie Weitz  
 Danie & Marethia Zeelie

**KAREN RAUTENBACH**  
 Jacques & Patrys Anker  
 Eddie & Tania Deyzel  
 Goofey & Elmarie Fouché  
 Andries & Elaine Hanekom

Jan & Tanya Hugo  
 Sakkie & Alida Kinghorn  
 Elsabe Pattinson

Ettienne & Michelle Smit  
 Johan & Wanda van Vuuren  
 Mario & Michelle van der Westhuizen

**ZELDRI STRYDOM**  
 Chris & Adele Bezuidenhout  
 Tinus & Eurika Claesen  
 Pieter & Elise du Preez

Ferdie & Betsie du Toit  
 Arno Engelbrecht  
 Gerhard & Pauline Human

Gerhard & Annemarie Momberg  
 Gustav & Twane Nel  
 Sandra & Steven Meyer

**ZELDA SWANEPOEL**  
 Christo & Michele Blignaut  
 Ettienne & Marohessa du Preez  
 Etienne & Zunel Fourie  
 Tommy & Rene Hall

JG & Denise Le Roux  
 Andre & Rika Muller  
 Sieg & Charlene Slabbert


Eben & Maryka Weitz  
 Mario & Vicki Weitz  
 Anton & Theresa Willemse

**STEVE LAMBRECHTS**  
 Theo & Moniques Buchner  
 Martin & Christelle Deyzel  
 Benji & Yvette Erasmus  
 De Wet & Yolandi Fourie

Deon & Tertia Le Roux  
 Auret & Annelie Morton  
 Warren & Janine Nance

Pierre & Wilma Stander  
 Werner & Lizelle Visser  
 Jacques & Jacqueline Whittle

**Vir enige penningmeester verwante navrae kontak asb vir Leana Labuschagne 072 873 3900**



## VERJAARSDAE



DESEMBER		JANUARIE		FEBRUARIE	
1	Louis Swanepoel	2	Theo Buchner	2	Barend Swanepoel
2	Eddie Deyzel	2	*Johan Slabbert	2	Vicky Weitz
2	Warren Nance	3	André Barnard	3	Wanda van Vuuren
2	*Juan Whittle	3	Pierre Stander	3	*Anton Claasen
3	Therese Willemse	4	Natasja van Tonder	4	*Jana Lamprecht
4	Anton Claassen	5	Wilma Stander	5	*Edmar du Preez
4	Pauline Human	7	Andre Ankiewicz	7	Ronnie Boshoff
5	Johan van Vuuren	8	Johan van Jaarsveld	11	Arno Engelbrecht
17	Steve Lambrechts	12	Danie van Eck	11	Piet Kapp
18	Karen Knoetze	15	*Mieke Stander	11	Denise le Roux
19	Elmar Steyn	17	Eddie Nance	12	Moniques Buchner
20	Ronel Gouws	17	Denise Kaltenbrunn	12	Ferdi du Toit
20	Kalllie Kaltenbrunn	17	*Bianca Kaltenbrunn	12	Chris Jonker
21	Werner Visser	20	Cynthia Didloff	16	Anton Willemse
26	Louis Botha	20	Johan Fourie	20	Gato Ferreira
27	Poppie Heyman	20	Zelda Swanepoel	21	*Chloé janse van Rensburg
27	Anton Knoetze	22	Rene Botha	22	Sandra Fourie
27	Mario van der Westhuizen	22	Johan Gouws	22	Tjaart Snyman
28	*Ruan van der Westhuizen	22	Willie Gummow	26	Tersia le Roux
28	*Doré Weitz	22	Marie Weitz	26	Ben Weitz
30	Ettienne Fourie	26	Juliana Oelofse	27	Mario Weitz
31	Mariana Pozyn	26	JG le Roux		
		26	*Anslee le Roux		
		26	Leonie van Rensburg		
		27	Elmarie Fouché		
		28	Susan Smith		
		29	Juanita van Aardt		
		29	*Lize Strydom		
		30	*Ilze Jonker		



# JAARPROGRAM 2015/2016

SAWA Oos-Kaap

\*\*(7 van die 9 streeksaamtrekke tel vir 100% bywoning)

\*\*(SB - senior burger saamtrekke)




MAAND	DATUM	KAMP	OORD	100%	KAMPL.
AUGUSTUS	7 – 10	Streek SB	WILLOWS/AJV	1	Bestuur
SEPTEMBER	4 – 6	Bestuurskamp	PINE LODGE		Johan S
SEPTEMBER	11 - 13	Streek	BOS/GAMTOOS	2	Zelda/Richard
OKTOBER	16 – 18	KONGRES	BUFFELSPoORT		Zeldri/Johan
OKTOBER	23 – 25	Streek SB	VAN STADENS	3	Karen
NOVEMBER	20 – 22	Algemeen	MANGOLDSPOOL		Leana
DESEMBER	4 – 6	Streek SB	WILLOWS	4	Zelda
JANUARIE	(4) 8 – 10	Streek	SUMMERWOOD	5	Zeldri
FEBRUARIE	12 – 14	Streek SB	WILLOWS	6	Johan
FEBRUARIE	25 – 27	100+	VAN STADENS		Strelitzia
MAART	18 - 21	Streek	NIESHOUTKLOOF	7	Zedri
MAART	25 – 28	Algemeen	CANNON ROCKS		Leana/Richard
APRIL	8 - 10	Algemeen	BOS/WINSTON ADDO		Zelda/Richard
APRIL/MEI	27/04 – 2/05	Gebied	KEURBOOMS		
MEI	20 – 22	Streek	GAMTOOS	8	Steve
JUNIE	16 – 19	Streek	VAN STADENS	9	Tessa
JULIE	9 - 16	Wintertoer	GEHEIM		Tjaart
JULIE	22 – 24	Algemeen	SITRUSOEWER		Richard/Leana
AUGUSTUS	5 – 7 (9)	Streek SB	GAMTOOS/AJV	1	Bestuur
SEPTEMBER	2 – 4	Bestuurkamp	PINE LODGE		Voorsitter
SEPTEMBER	23 – 25	Streek	WILLOWS	2	
OKTOBER	14 – 16	KONGRES	???		
OKTOBER	21 – 23	Streek	GAMTOOS	3	
NOVEMBER	4 - 6	Streek SB	VAN STADENS	4	
DESEMBER	2 – 4	Algemeen	MANGOLDSPOOL		





# SAWA STREEF DAARNA



Vir Afrikaans-georiënteerde kampeerders die geleenthed te bied om binne 'n Christelike konteks, 'n tuiste te bied waar hulle hul beginsels en kultuur kan uitleef.

Vir kampeerders die geleenthede te bied om saam met geesgenote so bekostigbaar as moontlik te kampeer.

Die belang van SAWA-lede te bevorder deur onderhandeling en samewerking met ander instansies.

Die balans tussen die belang van die mens en die natuur te handhaaf.

In alles die hand van die Skepper te sien en Hom daarvoor te huldig.

SAWA onderskryf die volgende waardes:

Christenskap  
Lojaliteit  
Respek  
Integriteit  
Eerlikheid  
Diensbaarheid  
Verdraagsaamheid

Uit die SAWA Webblad